



MISA CON NENOS

28 de abril de 2019

Domingo 2º de Pascua - C

XOÁN 20, 19-31: "Aos oito días, chegou Xesús".

Mensaxe: Comungar é tocar o costado de Cristo, (é recibir o seu Corazón).



1. ACOLLIDA

Irmáns e irmás: viñemos esta mañá a celebrar a Eucaristía do domingo, "día do Señor". Do mesmo xeito que os primeiros cristiáns, reunímonos en comunidade arredor de Cristo Resucitado para reafirmar a nosa fe e enchernos da paz do seu Espírito. Xesús resucitado nunca falta á cita do encontro connosco, cada domingo. Que el hoxe, como entón, neste domingo da Misericordia, aumente a nosa fe, así poderemos saír dicindo aos que nos atopemos: "vimos o Señor", pois somos a súa comunidade e queremos ser testemuñas da súa presenza no medio de nós.

-No nome do Pai... Cristo resucitado que segue vivo entre nós no medio da comunidade, está convosco...

2. ASPERSIÓN COA AUGA

Co xesto da aspersión do auga bendita, ademais de renovar as nosas promesas bautismais, pedímoslle a Deus que vivifique en nós a súa graza, como o día en que fomos incorporados por primeira vez a Cristo e á súa Igrexa.

Que Deus, noso Pai, nos purifique do pecado, e nos faga dignos de participar do banquete do seu Reino, por sempre, eternamente. (Aspersión ao pobo).

3. PERDÓN (Alternativa)

Para alcanzar a paz do Señor, pedimos perdón polos nosos pecados:

- Porque ás veces dubidamos, cambaléase a nosa fe e, a nosa confianza en ti. *Señor, ten piedade de nós.*
- Porque non sabemos recoñecerte cando estás presente no medio de nós, na comunidade. *Cristo, ten piedade de nós.*
- Porque non valoramos o apoio da comunidade para fortalecer a fe. *Señor, ten piedade de nós.*


4. MONICIÓN ÁS LECTURAS

É o momento de escoitar a Deus que nos fala por medio da súa Palabra, do mesmo xeito que o facían os primeiros cristiáns. A 1ª lectura relata como se inicia o camiño da Igrexa trala predicación de Pedro. A Apocalipse recórdanos que este camiño da Igrexa contou xa con dificultades e persecucións pero que Cristo pon a súa man sobre nós e non hai que temer. O Evanxeo describe dúas aparicións de Xesús no cenáculo: a primeira o domingo de Pascua e a segunda oito días despois. Tomé dentro da comunidade, recupera a fe e atópase con Cristo Resucitado.

5. PROFESIÓN DE FE

Desde a nosa fe vacilante, unímonos en comunidade proclamando xuntos a nosa fe.

- Credes en Deus, Pai todopoderoso? Todos: Si, creo.
- Credes en Xesucristo, que por nós padeceu e morreu, pero Deus resucitouno, e está sempre connosco? Todos: Si, creo.
- Credes no Espírito de Amor que conduce e coida a Igrexa? Todos: Si, creo.
- Credes no perdón dos pecados e na forza liberadora do Amor e da misericordia? Todos: Si, creo.
- Credes na resurrección dos mortos e na vida eterna? Todos: Si, creo



6. PETICIÓNS

Xesús Unidos pola experiencia pascual de sentirnos resucitados con Xesús, elevemos a nosa oración respondendo:

-Meu Señor e meu Deus.

1. Cremos Señor, pero aumenta a nosa fe e a nosa alegría.
2. Cremos Señor, pero aumenta o noso amor e a nosa esperanza.
3. Cremos Señor, pero aumenta a nosa fortaleza.
4. Cremos Señor, pero aumenta o noso entusiasmo e ilusión.
5. Cremos Señor, pero aumenta a nosa paz e a nosa xenerosidade.
6. Cremos Señor, pero quedache connosco, dános o teu Espírito.
7. Cremos Señor, pero axúdanos a vivir a fe en comunidade, cos outros crentes.
8. Cremos Señor, pero que agradezamos a túa misericordia e o teu amor.

Dáanos a túa Paz, Señor, que nos faga vivir no teu Amor. Por Xesucristo...



7. OFRENDAS

LENTES: Con estes lentes escuros queremos representar a nosa vida que como na de Tomé falta a luz da fe para ver a vida cos ollos novos de Xesús, ollos de resucitado. Que El nos axude a descubrir o tesouro grande da fe.

CORDA CON NÓS: Con esta corda repleta de nós, queremos simbolizar a vida de parroquia, a vida en común. Os desexos de celebrar e vivir a nosa fe en parroquia-comunidade permanecendo unidos no amor de Xesús pola súa Resurrección. Grazas á formación, as celebracións, os momentos alegres, a fe e a vida que xuntos compartimos.

PAN E VIÑO: Finalmente, traemos ata o altar o pan e o viño que se converterán no corpo e sangue de Xesús. Que na eucaristía dominical fortalezcamos e alimentemos a nosa fe.

8. PAZ

Xesús Resucitado preséntase aos apóstolos con este saúdo: “Paz convosco”. Este é tamén o noso mellor desexo para todos. Pero non esquezcamos que Xesús Resucitado é a fonte da paz.

9. BENDICIÓN:

O Señor resucitado fíxose presente hoxe no medio de nós. Como aos primeiros seguidores seus, concedeunos saborear o amor da comunidade e deunos a súa graza e a súa paz. Saíamos agora aos nosos ambientes e ás nosas tarefas, levando a nosa experiencia, para que outros poidan descubrir que Xesús resucitou e paga a pena Crer nel, vivir a fe en comunidade e testemuñalo cada día. Para iso que a bendición de Deus todopoderoso, Pai, Fillo e Espírito Santo, descenda sobre vós.

Podedes ir en paz, ALELUIA, ALELUIA./ Deamos grazas a Deus ALELUIA, ALELUIA.

10. VÍDEOS: DOMINGO DE PASCUA 2º-C

-San Tomé, Ver para Crer, película: <https://www.youtube.com/watch?v=ULPctMcDmfw>

-Aparición aos discípulos, película: <https://www.youtube.com/watch?v=SiiGjMo-IIE&feature=youtu.be>

-Xn 20,19-31: aparición aos discípulos, debuxos: <http://youtu.be/ZkrQQ4tCisw>

-Meu Señor e meu Deus, Javier Brú, canción: <https://www.youtube.com/watch?v=luWbEILWtJI>

-Xoán 20, 19-31, evanxeo: <https://www.youtube.com/watch?v=E48Kpc0NiaE>


-Bicos que curan, reflexión: <https://www.youtube.com/watch?v=ckv9YS5OfNs>

-Un mundo de camiños, reflexión: <https://www.youtube.com/watch?v=HkayLTVmH3w>

-Renace a esperanza, reflexión: <https://www.youtube.com/watch?v=JKOWZXExe-w>

-Eu creo na túa resurrección, Irmá. Glenda, canción:

<https://www.bing.com/videos/search?q=yo+creo+en+tu+resurrecci%C3%B3n+glenda&&view=detail&mid=EC26A9DBAA1A6C139886E C26A9DBAA1A6C139886&&FORM=VRDGAR>



Si la resurrección hubiese sido en 2013

7. SUXESTIÓNS:

-Déixate acompañar na fe pola **túa comunidade**. Hoxe seguimos necesitando á comunidade para que: -renaza a nosa fe ao escoitar a Palabra. – nos perdoe a falta de fe, os pecados. – nos alimente a fe na Eucaristía. - verifique a autenticidade da nosa fe. – nos ensine e nos forme ou acompañe na fe. – nos empuxe a vivila en todos os momentos.

-Dialogade como facer que a vosa **comunidade sexa máis aberta e acollidora** para que outros mozos se sintan a gusto, “palpen e vexan” nela o mesmo Xesús.

-Na consagración di esas palabras de Tomé: **“Meu Señor e meu Deus!”**.

-**Ao dar a paz** desexa ao outro que a paz de Cristo Resucitado estea sempre no seu corazón.

-**No momento do perdón**, mentres se canta un canto, os nenos achéganse á pía bautismal coas candeas apagadas e vanas mergullando na auga e ao sacalas vanas acendendo no cirio pascual. Desta forma simbolízase a nosa tarefa de manter a fe viva e acesa na unión co Resucitado.

-Nun panel poñemos a **silueta de Xesús** co nome dentro, e aparecerá tapada por panos dos que se levan ao pescozo. Saen parellas de nenos: un cos ollos tapados cun pano e outro que vexa e achéganas ao panel. Ao chegar ao panel dirán: “vimos o Señor” e quitarán a venda do compañeiro; cando este vexa, será el quen quite un pano da silueta. E así sucesivamente ata que todos vexan o Señor e xa non teña máis panos que o tapen. A lección é que cando vemos o mundo sen prexuízos e con fe, vemos a Xesús preto de nós.

-Pódese resaltar que hoxe é o **domingo da Misericordia**. O texto evanxélico preséntanos o perdón como signo da presenza do Resucitado no medio dos seus. A resurrección é a forza do perdón de Deus que sanda as feridas do corazón, as do egoísmo humano.

-Que o **soporte do Cirio Pascual** estea adornado con flores toda a Pascua, como recordatorio gozoso da luz da vitoria de Cristo resucitado e presente no medio da comunidade.

Un cristián triste... non segue a Cristo

Porque Ti posnos o corazón contento, invitándonos a ser sal da terra.
Porque nos despreocupas, recordándonos que a cada día abóndalle co seu afán.
Porque nos sosegas, chamándonos a Ti, cando estamos cansos e angustiados, para aliviarnos.
Porque nos quitas os medos, dicíndonos que Ti estarás connosco ata o fin dos días.
Porque nos perdoas, invitándonos a perdoar e perdoarnos, ata setenta veces sete?
Porque nos curas, recordándonos que es o médico que necesitamos
os que non estamos sans Porque nos desenfadadas, propoñéndonos ser mansos
e construtores dun mundo de paz.
Porque nos invitas á felicidade sendo pobres, xa que non se pode servir a Deus e ao diñeiro.
Porque nos propós traballar pola xustiza e así lograremos tratarnos todos coma irmáns.
Porque nos satisfás os nosos desexos e ansiedades, invitándonos a beber unha auga que acougará a sede.
Porque nos propós vivir tranquilos, conscientes de onde puxemos a confianza.
Porque a túa proposta é de plenitude e realización, xa que viñeches para que teñamos Vida
e vida en abundancia. Grazas, meu Deus.

Mari Patxi Ayerra



**"MEZI SEÑOR
E
MEZI DEZIS"**